



CANTIC SANTEZ AGNES,

PATRONEZ AR MERC'HED YAOUANQ.

Var ton : Sacris solemniis.

1.

ENTREZOC'H, tud yaouanq a gar ar burete,
 Ar vertuz angeliq a blich bras da Zoue,
 Clévit cana'r vuez eus a zantez Agnes,
 En despet da Zatan a zo maro guerc'hes.

2.

Demeus ar guêr a Rom e voa hi guinidic;
 He zad, he mam a voa ha nobl ha pinvidic,
 Hoguen o merc'h Agnes ne estime n'etra
 Nemet Passion Jesus, ha dont d'e medita.

3.

Evel ma commanças da anaout un Doue,
 Dezàn prest ec'h offras he c'horf hac he ene,
 Ha dont da ober vœu eus a virginite,
 Evit e zervicha fideloc'h goude se.

4.

En oada zaouzeg vloas e fel d'an drouc-spero

E quitaje he vœu ha qemeret pried,
 Quitât he devotion, heuill maximou ar bed,
 Evel ma voa ar c'his eus an demezelet.

5.

Eun digentil yaouanq a voa mab d'ar prefet,
 O veza a gos charmet o velet he guenet,
 E creis ar ru e Rom Agnes a rancontras,
 Hac evit e bried dezi en em offras.

6.

Agnes ous e glêvet a gomanç da grena,
 Hac evel diouz eur serpent a dec'has diouta:
 Eteo, eus an ifern, pella prest, emezi,
 M'emeus cavet eur pried evel a felle diu.

7.

Birviquen em buez dezàn ne faziàn,
 Rac eus an oll priedou ez eo én ar guella;
 Beza eo pinvidiq, nobl ha pur ha parfet,
 E dad eo va Doue, hac én Salver ar bed.

8.

P'oe guelet ar gourach eus ar verc'hes Agnes,
 E voe prest accuzet da veza christenes,
 Da veza ur sorcerez, un demezel mechant,
 Hac a verite souffr hep dale pep tourmant.

3

9.

Ar prefet e c'hemennas hac e fedas meurbet :
Agnes , va mah Symphron qemerit da bried ,
P'otramant d'al lec'h fall e viot condaonet ,
Hac eno publicamant e collot ho cuerc'hdet.

10.

En noas a ben-da-ben e viot divisqet ,
Hac er stat-se, dre Rom e viot cunduet ,
Ha goude da lec'h fall etouez ar galantet ,
E pellec'h ne guessot sicour , pa viot aruet.

11.

Ar zantes hep sponta a respontas dezàn :
Da Jesus , va guir bried , biqen ne faziàn ;
Roet en deus din un æl evit va frezervi
Diouzoc'h ha diouz qement a zeui d'am ataqi.

12.

Neuze ar barner infam Agnes a gondaonas
Da veza divisqet ha cunduet en noas
E Rom dre ar ruou , hac ac'hane casset
D'al lec'h fall , etouez tud brutal evel bouc'het.

13.

Mes Jesus he fried souden a bermetas
Ma cresqas pront e bleo , pere e goloas ,

Bete ma voe casset d'ar zal a infamite,
En esper coll e enor hac e virginite.

14.

Pa voe destumet eno evit coll e enor,
Peini a estime mui eguet mil tenzor,
Eun habit guen a gavas evit en em visqa,
Hac eun æl en e c'hichen evit e delivra.

15.

Incontinent d'an daoulin Agnes en em strinqas,
Ha Jesus he fied a galon a bedas
Da gonserv e enor, permeti ma varvje
Qent eguet ollanci james he furete.

16.

Pa voa Agnes guella oc'h ober orêzon,
E c'hantre libertinet brutal ha dirêzon
Da zonzal ober dei coll he virginite
Ha consanti gante d'o oll brutalite.

17.

Mes pa veljont ar zal carguet a sclêrijen,
Agnes var he daoulin, an æl en e c'hichen,
En em strincjont d'an daoulin da c'houlen oll
pardon
Duz Doue hac Agnes eus a greis o c'halon.

18.

Evel ma voant sortiet en eur veuli Doue,

En eur gôves o faut hac o zemerite,
 An dijentil yaouanq Symphon a antreas,
 Ha violi Agnes souden a brederas.

19.

Mes d'an neb zo fidel Doue ne vanq james,
 Rac se e conservas e vir servicherez ;
 E qichen e zreid an æl en discaras,
 Hac eno var ar plaç maro miq er mougas.

20.

Pa glêvas ar prefet e voa e vab mouguet,
 Gant ur goler ar vrassa e teuas en ur redec
 D'ar zal da gaout Agnes, o crial aboes pen :
 O sorcerez milliguet ! ô qef eus an ifern !

21.

Petra ma c'heus-te lazet va mab muia-carez,
 Hep cavet d'e ligue na dezàn nep respet ?
 Salocras, eme Agnes, ne meus-én qet lazet ;
 E vrutalite infam en deveus e gollet.

22.

Ar prefet digoleret Agnes a suppias :
 Ressuscitit va mab, mar guillit, var ar plaç.
 Sortiit eta, emezi, rac ne veritiit qet
 E ve en ho prezanç e ve ressuscitet,

23.

Incontinent d'an daoulin dirac Jesus he fied,
 E presant he reget gant comzou calonec :
 Jesus, va oll garantez, roit buez, me ho ped,
 D'au dijentil maro, da anaout e bec'het.

24.

Pa edo guir guella oc'h ober orêzon,
 An æl a ressuscitas an dijentil Symphon,
 Pini, incontinent ma voe ressuscitet,
 A lavaras a gren adieu da bep pec'het.

25.

Ouz Doue da guenta e c'houlennas pardon,
 Ha goude ouz Agnes eus a greis e galon,
 O crial a boes pen : pardon, va Doue pardon,
 Pardon, Agnes, pardon, d'am pec'het dirêzon.

26.

Pa velas ar Prefet e vab convertisset,
 Gant arrâch e condaonas Agnes da veza losqet;
 Pa voe taolet en tan, an tan en em raunas,
 Hac hep touch ouz Agnes calz a d'ud a losqas.

27.

Goude e voe cunduet da veza dibennet :
 Ar bourreo o crena, he sqei ne grede qet;

Mes hi ouz e bressi a lavaras dezàn :
 Evit Jesus, va fried, mervel a zeziràn.

28.

Qen buan ar bourreo, den cruel hac ingrat,
 Gant un taol coutelassen he beuzas en e goad;
 Ac'hane gant an ælez en êvou cunduet,
 En oad a drizec vloas da weza curunet.

29.

Souden goude ma voe corf Agnes enterret
 Ec'h apparis d'e c'herent gant calz a zentezet:
 Bezit fidel, emezi, me a zo curunet
 Gant va fried Jesus etouez ar guerc'hezet.

30.

Cetu fin ur fumelen a gare ar burete,
 Beza bepret e joa en dra bado Doue,
 Gant ar zent, an ælez, ha gant ar guerc'hezet
 Birviquen da james, Doue ra vezo meulet.

31.

Petra sonjit-hu brema, plac'het losq ha fragil,
 Henvel eus Cathel gollet dre actionou vil,
 Pini a gri arrach en ifern en tan bras
 Evit he impurete hep esperi caout graç.

32

Petra sonjit pa velit un demezel yaouanq

En oad a drizec vloas o souffri pep tourmant,
 Qent eguet ma otreje offanç he furete :
 Mar doc'h fur, grit evelti, hac e guelot en êe.

53.

Mar doc'h bete bremàn evel eur Vadalen,
 Eleac'h imita Agnes, eur bec'herez monden,
 Chenchit ha grit pinijen, ha goulennit pardon,
 Hac e viot pardonet e c'houlen a galon.

34.

Courach eta, m'ho suppli, courach, oll dud
 yaouanq,
 Qercoulzhasantez Agnes andurit pep tourmant:
 Combatit bete'r maro evit ar burete,
 Hac e viot curunet pa rentot hoc'h ene.

35.

Qemerit Santez Agnes evit advocades,
 Ha sonjit en he buez, pedit-hi alies,
 Hac e vezo ur voyen da veva pur ha net,
 Da veza er barados coulz hac hi curunet.

FIN.

E. Montroulez, eus a Impr. LÉDAN.